

**ÁKVÖRDUN FRAMKVÆMDASTJÓRNARINNAR**

2009/EES/71/30

frá 22. mars 2007

**um sameiginlegt snið fyrir fyrstu skýrslu aðildarríkja um framkvæmd tilskipunar Evrópuþingsins og ráðsins 2004/42/EB um takmörkun á losun tiltekinna rokgjarnra, lífrænna efnablandna (\*)**

(tilkynnt með númeri C(2007) 1236)

(2007/205/EB)

FRAMKVÆMDASTJÓRN EVRÓPUBANDALAGANNA HEFUR,

með hliðsjón af stofnsáttmála Evrópubandalagsins,

með hliðsjón af tilskipun ráðsins 2004/42/EB frá 21. apríl 2004 um takmörkun á losun tiltekinna rokgjarnra lífrænna efnablandna vegna notkunar lífrænna leysiefna í tiltekinni málningu og lakkviðgerða á ökutækjum og um breytingu á tilskipun 1999/13/EB<sup>(1)</sup>, einkum 7.gr.,

*og að teknu tilliti til eftirfarandi:*

- 1) Samkvæmt tilskipun 2004/42/EB er aðildarríkjum gert að koma á fót vöktunaráætlunum til að sannreyna að farið sé að ákvæðum þeirrar tilskipunar, auk þess að gera skýrslur um árangurinn af vöktunaráætlunum sínum og um þá flokka og það magn vara, sem veitt hefur verið leyfi fyrir skv. 3. mgr. 3. gr. þeirrar tilskipunar, sem byggjast á sameiginlegu sniði sem framkvæmdastjórnin útbýr.
- 2) Samkvæmt 7. gr. tilskipunar 2004/42/EB, í tengslum við I. viðauka við hana, skulu aðildarríki útbúa fyrstu skýrsluna um framkvæmd þeirrar tilskipunar og leggja hana fyrir framkvæmdastjórnina eigi síðar en 30. júní 2008.

3) Því ber að ákveða sameiginlegt snið fyrir þessa fyrstu skýrslu sem tekur til tímabilsins frá 1. janúar til 31. desember 2007.

4) Ráðstafanirnar, sem kveðið er á um í þessari ákvörðun, eru í samræmi við álit nefndarinnar sem um getur í 2. mgr. 12. gr. tilskipunar 2004/42/EB.

SAMÞYKKT ÁKVÖRDUN PESSA:

*1. gr.*

Aðildarríkin skulu nota sniðið, sem birt er í viðaukanum við þessa tilskipun, við samningu skýrslunnar sem tekur til tímabilsins frá 1. janúar til 31. desember 2007 og skal hún lögð fyrir framkvæmdastjórnina skv. 7. gr. tilskipunar 2004/42/EB.

*2. gr.*

Ákvörðun þessari er beint til aðildarríkjanna.

Gjört í Brussel 22. mars 2007.

*Fyrir hönd framkvæmdastjórnarinnar,*

Stavros DIMAS

*framkvæmdastjóri.*

(\*) Þessi EB-gerð birtist í Stjóð. ESB L 91, 31.3.2007, bls. 48. Hennar var getið í ákvörðun sameiginlegu EES-nefndarinnar nr. 26/2008 frá 14. mars 2008 um breytingu á II. viðauka (Tæknilegar reglugerðir, staðlar, þrófanir og vottun) við EES-samninginn, sjá *EES-viðbæti við Stjórnartíðindi Evrópusambandsins* nr. 42, 10.7.2008, p. 9.

(<sup>1</sup>) Stjóð. ESB L 143, 30.4.2004, bls. 87.

*VIDAUKI***SAMEIGINLEGT SNIÐ FYRIR FYRSTU SKÝRSLUNA SEM LÖGD SKAL FRAM UM FRAMKVÆMD  
TILSKIPUNAR 2004/42/EB OG TEKUR TIL TÍMABILSINS FRÁ 1. JANÚAR TIL 31. DESEMBER 2007****1. Almennar upplýsingar og stjórnvaldsráðstafanir**

1.1. Yfirvald sem ber ábyrgð á þessari skýrslu:

|               |  |
|---------------|--|
| Heiti         |  |
| Heimilisfang  |  |
| Tengiliður.   |  |
| Tölvupóstfang |  |
| Símanúmer     |  |

1.2. Innan rammans um framkvæmd tilskipunar 2004/42/EB skal tilgreina yfirvaldið eða yfirvöldin, sem eru tilnefnd skv.5. gr. þeirrar tilskipunar, og bera ábyrgð á eftifarandi:

- 1) að koma á fót vöktunaráætluninni, samræma hana og hafa umsjón með henni (á landsvísu),
- 2) að annast skoðun og eftirlit á vettvangi (á svæðis- og/eða staðarvísu),
- 3) að framfylgja kröfum í þeirri tilskipun þegar um brot á ákvæðum hennar er að ræða.

**2. Vöktunaráætlun (6. gr. tilskipunar 2004/42/EB)**

2.1. Sé skrifleg útgáfa innlendirar vöktunaráætlunar fyrir hendi skal afrit af henni fylgja í viðauka við þessa skýrslu.

2.2. Lýsa skal í stuttu máli áætluninni sem komið var á fót til að vakta og sannprófa að farið sé að tilskipun 2004/42/EB, með sérstöku tilliti til eftifarandi þáttar:

- 1) viðmiðunarmarka fyrir rokgjörn, lífræn efnasambönd sem eru sett fram í II. viðauka við þá tilskipun,
- 2) krafna um merkingar sem mælt er fyrir um í 4. gr. þeirrar tilskipunar.

2.3. Tilgreina skal hvort eftifarandi rekstraraðilar sæti skoðunum:

- 1) framleiðendur vara sem falla undir tilskipun 2004/42/EB,
- 2) innflytjendur vara sem falla undir tilskipun 2004/42/EB,
- 3) heildsalar, smásalar, fagmenn, sem nota reglufestar vörur í atvinnuskyni, eða aðrir notendur, þ.m.t. lakkviðgerðastöðvar fyrir ökutæki sem falla ekki lengur undir tilskipun ráðsins 1999/13/EB (¹).

Ef slík skoðun fer fram skal lýsa í stuttu máli:

- 1) hvers konar skoðun fór fram (vettvangsheimsókn, sýnataka og vörugreiningar, sannprófun á gögnum um birgðastöðu og sölu, athugun á merkingum, aðrar skoðanir),

(¹) Stjúð. EB L 85, 29.3.1999, bls. 1.

- 2) tíðni skoðana (kerfisbundnar, árlegar skoðanir, skoðanir sem takmarkast við veigamestu framleiðendurna/innflytjendurna, slembiskoðanir, aðrar skoðanir).

2.4. Tilgreina skal fjölda þeirra fyrtækja, sem koma að framleiðslu og dreifingu vara sem voru skoðaðar árið 2007, ásamt, ef hægt er, fjölda skoðana sem eru ráðgerðar árið 2008, helst með því að fylla út eftirfarandi töflu. Tilgreinið einnig áætlaðan heildarfjölda aðila sem koma að framleiðslu og dreifingu vara ásamt heildarmagni viðkomandi vara (sem voru frameleiddar og settar í dreifingu árið 2007 í viðkomandi aðildarríki) ef það liggur fyrir:

| Tegund rekstraraðila | Heildarfjöldi núverandi rekstraraðila | Fjöldi rekstraraðila sem voru skoðaðir árið 2007 | Heildarmagn vara sem falla undir tilskipun 2004/42/EB (kg) | Skoðanir ráðgerðar árið 2008 |
|----------------------|---------------------------------------|--|--|------------------------------|
| Framleiðendur        |                                       |  |  |                              |
| Innflytjendur        |                                       |  |  |                              |
| Aðrir                |                                       |  |  |                              |

2.5. Hvernig sannprófa lögbær yfirvöld að farið sé eftir reglum með þeim viðmiðunarmæliaðferðum sem lýst er í III. viðauka við tilskipun 2004/42/EB?

2.6. Ef mörg yfirvöld koma að framkvæmd tilskipunar 2004/42/EB (sjá lið 1.2 hér að framan) skal tilgreina hvaða ráðstafanir hafa verið gerðar til að tryggja eins samræmda framkvæmd þeirrar tilskipunar og unnt er á öllu yfírráðasvæðinu.

2.7. Hverjar eru reglurnar um viðurlög við brotum gegn ákvæðum landslaga sem hafa verið samþykkt skv. 10. gr. tilskipunar 2004/42/B?

2.8. Ef hægt er skal gefinn upp áætlaður heildarfjöldi starfsfólks, sem kemur að vöktun og eftirliti, menntun þeirra og hæfi auk áætlaðs vöktunarkostnaðar í evrum á ársgrundvelli (starfsfólk, sýnataka og greining, athugun á merkingum, framfylgd, annar kostnaður).

### 3. Helstu niðurstöður vöktunaráætlunarinnar sem var hrint í framkvæmd árið 2007 (7. gr. tilskipunar 2004/42/EB)

3.1. Tilgreina skal, miðað við heildarfjölda eftirlitsheimsókna sem fram fóru, hversu oft það kom fyrir (í prósentum talið) að viðmiðunarmörkin fyrir rokgjörn, lífræn efnasambönd, sem um getur í II. viðauka við tilskipun 2004/42/EB, voru ekki virt árið 2007. Tilgreina skal eftirfarandi, ef unnt er:

- 1) flokka vörunnar sem um er að ræða í samræmi við þann viðauka,
- 2) magn vara sem samræmdust ekki þessum takmörkunum.

3.2. Tilgreina skal, miðað við heildarfjölda eftirlitsheimsókna sem fram fóru, hversu oft það kom fyrir (í prósentum talið) að kvaðir um merkingar, sem mælt er fyrir um í 4. gr. tilskipunar 2004/42/EB, voru ekki virtar árið 2007. Gera skal greinarmun á eftirfarandi flokkum ef unnt er:

- 1) vörur sem uppfylla ekki kröfur varðandi merkingar og innihald rokgjarnra, lífrænna efnasambanda:
- 2) vörur sem uppfylla kröfur varðandi innihald rokgjarnra, lífrænna efna en ekki varðandi merkingar:

3.3. Tilgreina skal til hvaða aðgerða hefur verið gripið í framhaldi af þeim tilvikum, sem uppfylla ekki kröfurnar, í því augnamiði að tryggja að kröfurnar í tilskipun 2004/42/EB verði uppfylltar.

**4. Undanþágur sem veittar eru skv. 2. mgr. 3. gr. tilskipunar 2004/42/EB**

- 4.1. Hvernig var fyrirkomulaginu á undanþágum, sem um getur í 2. mgr. 3. gr. tilskipunar 2004/42/EB, komið á fót?
- 4.2. Hvaða eftirlitskerfi hefur verið komið á fót til að tryggja að stöðvar, sem hvorki hafa tilskilin leyfi né eru skráðar skv. 3. og 4. gr. tilskipunar 1999/13/EB, selji ekki eða notí vörur sem falla undir undanþáguákvædi 2. mgr. 3. gr. tilskipunar 2004/42/EB?
- 4.3. Tilgreina skal áætlað magn vara sem njóta undanþágu (samkvæmt flokkuninni í I. viðauka við tilskipun 2004/42/EB) árið 2007, ef það liggur fyrir.

**5. Sérstök leyfi sem veitt eru skv. 3 mgr. 3. gr. tilskipunar 2004/42/EB**

- 5.1. Hefur möguleikinn á sérstökum leyfum, sem kveðið er á um í 3. mgr. 3. gr. tilskipunar 2004/42/EB, verið nýttur?

5.2. Ef svo er skal lýsa í stuttu máli hvernig kerfið sem komið var á fót til að veita einstök leyfi virkar:

- 1) Hvaða yfirvöld sjá um að gefa út sérstök leyfi?
- 2) Hvaða yfirvöld sjá um að tilnefna byggingar og/eða fornökutæki með sérstakt sögulegt og menningarlegt gildi?
- 3) Samkvæmt hvaða viðmiðunum hefur verið ákveðið að sérstakt sögulegt og menningarlegt gildi sé fyrir hendi?
- 4) Ef unnt er skal tilgreina áætlaðan fjölda þeirra bygginga og/eða fornökutækja sem lögbær yfirvöld hafa tilnefnt sem sérstök að sögulegu og menningarlegu gildi.
- 5) Hvernig er séð til þess að vörurnar, sem um er að ræða, séu
  - a) aðeins seldar í „mjög takmörkuðu“ magni,
  - b) aðeins notaðar við endurgerð og viðhald tilnefndra bygginga og/eða fornökutækja?
- 6) Vinsamlegast lýsið flokkum og magni þeirra vara sem eru leyfðar skv. 3. mgr. 3. gr. tilskipunar 2004/42/EB, helst með eftirfarandi töflu:

| Flokkar             | Samsvörun við I. viðauka við tilskipun 2004/42/EB. | Magn vara sem eru „tilbúnar til notkunar“ og búið er að gefa leyfi fyrir (kg) |
|---------------------|--|---|
| 1. flokkur          |  |   |
| 2. flokkur o.s.frv. |  |   |

**6. Aðrar upplýsingar sem skipta máli.**

- 6.1. Hverjir voru helstu erfiðleikarnir sem upp komu við að setja á laggirnar og framkvæma vöktunaráætlunina, þ.m.t. vandamál við framkvæmd tilskipunarinnar eða í stjórnsýslunni, sem komu upp við framkvæmd einhverrar tiltekinnar vöktunaráætlunar? Hvernig var leyst úr þessum erfiðleikum?
- 6.2. Greina skal frá öllum frekari athugasemdu, tillögum eða upplýsingum sem skipta máli í tengslum við framkvæmd tilskipunar 2004/42/EB.